

達天皇之代和泉國海中有樂器之音聲如笛筭琴箏篪等聲或如雷振動晝鳴夜耀指東而流大部屋  
栖古連公聞奏天皇嘿然不信更奏皇后聞之詔連公曰汝往看之奉詔往看實如聞有當霹靂之楠矣  
還上奏之略○中 霹靂二合可美 止支乃

〔日本書紀二十七〕八年是秋霹靂於藤原內大臣家

〔續日本紀十〕天智二年六月壬午雷雨神祇官屋災往往人畜震死閏六月庚子緣去月霹靂勅新

田部親王率神祇官卜之乃遣使奉幣於畿內七道諸社以禮謝焉

〔續日本紀三十七〕延曆元年七月甲申雷雨大藏東長藏災內廐寮馬二匹震死

〔日本紀略桓武〕延曆十三年七月庚辰震于宮中并京畿官舍及人家或有震死者

〔日本後紀二十四〕弘仁六年六月癸亥是日山城國乙訓郡物集國背兩鄉雷風壞百姓廬舍人或被震

死先是有大蛇入人屋即殺之未幾其人被震

〔類聚國史七十三〕天長七年七月戊子天皇幸神泉苑覽相撲申刻雷雨酉刻霹靂內裏西北角曹司左

右近衛騎乘御馬馳入內裏撲滅神火戌刻雷聲乃止即帝還宮見參諸司官人已下衛門門部已上賜

祿有差不覽相撲肅霹靂也

〔日本紀略淳和〕天長七年七月癸巳玄暉門外中重掖令祓霹靂事

〔續日本後紀七〕承和五年八月己亥霹靂於監物前柳樹往還人休于樹下一男震死一女傷脛一童

纔存一女無恙

〔文德實錄〕嘉祥三年六月己酉雷震西寺剝柱剝取其竿中央一許丈去落於右馬頭藤原朝臣春津

宅

〔文德實錄十〕天安二年六月丙申和泉國言霹靂破官舍六十餘宇民屋卅○卅一本字被震死者二人

傷支體者三人拔折十圍木十九○九一本株廢田苗廿許町